



SÁMEDIGGI

Sámedikki strategiija sámi
giellaguovddážiidda
[Undertittel 1]

Mearriduvvon 12.06.2024

Ášši 21/24



Sámedikki strategiija sámi giellaguovddážiidda

Sámedikki strategiija sámi giellaguovddážiidda

Sámediggi oaidná ahte lea dárbu sihkkarastit sámi giellaguovddážiidda buriid rámmaeavttuid ja virggiid nu ahte sáhttet stuoribut ovddasvástádusa váldit sámi gielaide seailluheamis, ovddideamis ja ealáskahttimis.

Sámediggi mihttu lea ahte sámi giellaguovddážit oainnusmahttet sámi identitehta ja kultuvrra, ovddidit sámegeilaid ja doaimmahit sámi giellaoahpahusa gielladoaimmaid bokte. Olahan dihte dáid mihtuid ovddida Sámediggi dáid áŋgiruššansurggiid:

- Giellaguovddážiid servodatdoaimma
- Giellaguovddážiid ruhtadeapmi
- Fágalaš ovdáneapmi ja gelbbolašvuoðalokten
- Giellaguovddážiid organiseren ja geavaheddjiid dárbbut
- Doaimmaguovllu viiddideapmi ja ođđa giellaguovddážiid ásaheapmi

Áŋgiruššansuorgi 1 - Giellaguovddážiid servodatdoaimma

Ulbmil:

- Defineret mat leat giellaguovddážiid váldobarggut ja mii lea sin rolla servodagas, nu ahte dat lea čielggas giellaguovddážiidda, báikkálaš birrasiidda, eisseválddiide ja eará berošteddjiide.

Hástalusat:

- Sámi giellaguovddážit leat oalle áidnalunddot ásaheamis, ja lea dárbu čielggadit mat leat giellaguovddážiid váldobarggut, ja makkár vuordámušat Sámedikkis leat giellaguovddážiidda.

- Sámedikkis ii leat olgguldas etáhta mii sáhtta ovddidit sámegeilaid ja Sámedikki giellapolitiikka.

Strategiijat:

- Sámediggi ásaheamis servodatdoaimma giellaguovddážiid várás:

Sámi giellaguovddážiid servodatdoaimma lea seailluhit ja ovddidit sámegeilaid ja bargat dan ovdii ahte eanet olbmot sihke ohppet ja geavahit sámegeiela. Giellaguovddážiid doaimma lea mielde ollašuttimin Sámedikki giellapolitiikka.

Servodatdoaimma čuoovvoleapmi mearkkaša ahte:

- Giellaguovddážiid váldobargu lea lágidit giellakurssaid ja giellaarenaid.

- Giellaguovddážit sáhttet maidái bargat báikkálaččat heivehuvvon doaimmabijuiguin mat dagahit ahte sámegeiela seilot ja ovddiduvvojit.

- Sámediggi sáhtta dahkat bargošiehtadusaid giellaguovddážiiguin čadahit doaimmabijuid ja prošeavttaid mat veahkehit oainnusin dahkamis ja nannemis sámegeilaid ja čuoavdit hástalusaid mat čatnasit sámegeilaide servodagas.

Áŋgiruššansuorgi 2 - Giellaguovddážiid ruhtadeapmi

Ulbmil:

- Sihkkarastit sámi giellaguovddážiidda lea doarvái ruhtadeami nu ahte sáhttet ollašuhttit iežaset servodatdoaimma, ja leat guovddášaktevran sámi rávesolbmo oahpahusas.

Hástalusat:

- Sámi giellaguovddážiin ii leat doarvái ruhtadeapmi ja resurssat nu ahte sáhttet deavdit sámeservvodaga dárbbuid ja Sámedikki mihtuid.

Strategiijat:

- Bargat dan ovdii ahte lasihit buot giellaguovddážiidda vuodđodoarjaga nu ahte lea vejolaš virgádit olbmuid fásta virggiide.
- Bargat dan ovdii ahte lasihit buot giellaguovddážiidda aktivitehtadoarjaga.
- Bargat dan ovdii ahte lasihit juolludeami giellaguovddážiidda geat barget eanet go ovttain sámegeilain.
- Bargat dan ovdii ahte nannet eará aktevrraid ruhtadeami sámi giellaguovddážiidda.

Áŋgiruššansuorgi 3 - Fágalaš ovdáneapmi ja gelbbolašvuodálokten

Ulbmil:

- Nannet giellaguovddážiid gelbbolašvuoda ja fágalaš ovdáneami.

Hástalusat:

- Giellaguovddážit ohcalit vejolašvuoda loktet gelbbolašvuoda iežaset fágasurggiin ja bargosurggiin.

Strategiijat:

- Sámediggi pláne ja čađaha jahkásaš giellaguovddášdeaivvademiid.
- Sámediggi doarju giellaguovddážiid gelbbolašvuodáloktema ja álggaha gelbbolašvuodáloktema máŋgga fágasuorggis.

Áŋgiruššansuorgi 4 - Giellaguovddážiid organiseren ja geavaheddjiid dárbbut

Ulbmil:

- Geavaheddjiid dárbbut leat vuodđun giellaguovddáža doaimmaide.

Hástalusat:

- Ii gávdno vuogádat mii doarvái bures addá geavaheddjiide vejolašvuoda ovddidit iežaset dárbbuid giellaguovddážiidda.

Strategiijat:

- Sámi giellaguovddážiin galgá oamastanvuogi ja organisašuvdnahámi vuodul leat juogo stivra, stivrenjoavku, dahje báikkálaš sámi fágastivrra mas leat sámi geavaheaddjit mielde, mii vuhtiiváldá báikkálaš sámeservvodaga dárbbuid. Giellaguovddážit mat leat integrerejuvvon sámi guovddážiidda ja ášahusaide ja main juo lea sámi geavaheaddji stivren, eai leat geatnegahttojuvvon ásaht eanet stivrraid.

